

Нозик хилқат вакиллари



11:00 / 21.02.2021 3319

Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам дедилар: «**Аёлларга (яхши) муомалада бўлинглар, чунки аёл қовурғадан яратилган.**

Қовурғанинг энг қийшиқ жойи унинг юқорисидир. Уни тўғрилашга уринсанг, синдириб қўясан, агар ташлаб қўйсанг, қийшиқлигича қолаверади. Бас, аёлларга (яхши) муомалада бўлинглар!»

Имом Бухорий ривоят қилган

Ҳадис таржимасида «муомалада бўлинглар» деб ўгирилган сўз араб тилида жуда кенг маънода қўлланади. Бу сўз «бир-бирингизни шунга буюринглар», «ўзаро тавсия беринглар», «ушбу васиятимни қабул қилиб, унга амал қилинглар» деган маъноларни ҳам ўз ичига олади. Ҳадиснинг айrim матнларида, жумладан, Видолашув ҳажида айтилган хутбада «яхши» сўзи очиқ айтилган. Бунда қавс очиб юборилади ва таржима қўйидагича бўлади: «**Аёлларга яхши муомалада бўлинглар!**»

«Аёл қовурғадан яратилган», деганда Ҳавво онамизнинг Одам алайхиссаломнинг қовурғасидан яратилгани назарда тутилган.

«Қовурғанинг энг қийшиқ жойи унинг юқорисидир», дейилганда аёлнинг эркакдан ақлу тафаккурда, ҳис-туйғуларда фарқли эканига ишора

қилинган. «Уни түғрилашга уринсанг, синдириб құясан», дегани «Ундан үз табиатига зид нарсани талаб қылсанг, Аллоҳ берган хусусиятларини үзгартиришга уринсанг, ундан айрилиб қоласан, ажралишингга түғри келади», деганидир. Чунки жамиятда үз вазифасини бажариши учун аёлга үша табиат керак.

Бир сүз билан айтганда, у шуниси билан аёл. Бирок бу күрсатма аёлликка хос бўлган хусусиятларгагина тегишли. Аммо аёлда меъёрдан ташқари ҳатти-ҳаракатлар, одобсизлик, шариат чегараларидан ташқари ҳолатлар кузатилса, у ҳолда уни мулойимлик билан түғрилаш керак бўлади. Шу боис ҳадисда «агар ташлаб қўйсанг, қийшиқлигича қолаверади», дейиш билан бунда ҳам меъёр бўлиши кераклиги, ҳар қандай ишни аёлликка тўнкаб, ўзини оқлаш ярамаслиги уқтирилмоқда.

Аёл киши қуйидаги турдаги эркакларни ёқтирмас экан:

1. Ураган аёлга қизиқиб кетадиган эркакни.
2. Аёлнинг туйғуларини риоя қилмай, ҳар бир камчилигини танқид қиласидиган эркакни.
3. Ўзида кўп хатолари бўла туриб, аёлнинг комил бўлишини талаб қиласидиган эркакни.
4. Аёлнинг ёшини сўраган эркакни.
5. «Сендан чиройли аёл бор» деган маънога ишора қилиб гапиравчи эркакни.
6. Аёлнинг ўтмишини сўраган эркакни.

Эркаклар учун эслатма:

- Эркак ўзининг эркаклигини унугандагина аёл «эркаклашади».
- Эркак үз аёлини аёллик мақомида тутиб тура олмагандан кейингина аёл унинг «хўжайнини»га айланади.
- Эркак уйда талаб қилинганидек эркак бўломмагач, аёл ҳам талаб қилинганидек аёл бўломмайди.

Аёллар фазилати

- Аёл, ҳатто дунё тўла бойликка эга бўлса ҳам, эридан ҳадя олса, қувонади.
- Аёл каби фазилат манбаи бўлган неъматни кўрмадим.
- Гўдаклигида отасини жаннатга киришига сабаб бўлади.
- Балоғатга етиб, турмушга чиққанда, солиҳа бўлса, эрининг динининг ярмини тўлдиради.
- Она бўлганда фарзандлари учун жаннат унинг оёқлари остида бўлади.

Аёлнинг табиати:

- Аёл ўзи bemor бўлса ҳам эрининг дори ичишига кўмаклашади.
- Аёл ўзи ғамга ботган бўлса ҳам эрига тасалли беради.
- Аёл ўзи чарчаган бўлса ҳам эри учун бедор бўлади.
- Аёл танимаган кишисининг мусибати учун ҳам қайғуриб, йиғлайди.

Шундай экан, жуфтларимизга зулм қилмайлик, эркаклар.

Muslim.uz, savollar.muslimaat.uz маълумотлари асосида

Нозимжон Ҳошимжон тайёрлади